



## AD QVODLIBETARIAM

## QVÆSTIO MEDICA

Matutinis concertationibus agitanda die Iouis 15. Feb. in scholis Medicorum parisiensium, M. Juvino Le Vignou, Doctore Medico, Præside.

*An temperies naturalis possit immutari?*



VANDO QVIDEM rerum omnium vniuersitas assiduæ mutationi subiecta est, variis contrariisq; principiorū generibus, tanquā rerum seminibus conspersa esse nullo modo est inficiandum: Omnis enim mutatio, omnisque effectio non nisi ex repugnantia contrariorum proficiscitur, nec simplex & vnicum, cum à se affici non possit, habet à quo patitur, idcirco communia & peruulgata rerum principia, elementa quatuor, lumis & contrariis rebus & amicis prædita fuere qualitatibus, illis ut inuicem insurgent et colluctantur, his ut facilius & cominodius transmutarentur.



EQVE tamen ea corpora quæ ex congressu & permixtione horū principiorum oriuntur, ex solis qualitatibus sed etiam ex corporibus in quibus hæc qualitates inherant conflantur, ita tamen ut quamuis penes substantias & qualitates permisceantur, neque substantiæ neque qualitates inter se, sed duræ duntaxat seruentur in mixtis, verum formationis opus cum solis qualitatibus non tribuatur, ex temperatione eiusmodi & mixtione exfurgent re vera, duæ formæ quarum vna mixti altera temperamenti, aut dominantis elementi nuncupari potest.



ED cum omne quod producitur opus ex actione, actio autem ex facultate pendeat, mirum foetus opificium, quod ex utroque parentis semine & menstruo sanguine in vtero inchoatur ac perficitur, facultatem habebit aliquam sui opificem quæ quamuis summo artificio ac velut prudentia singulari omnes operis partes tam similes quam organicas effingat, efformet atque disponat, singulisque commodam temperiem ingeneret, congruentem figuram, determinatam magnitudinem, situm naturalem & certum ac constitutum tribuat ordinem, nullo tamen consilio nec finis cognitione nec aliquo extrinsecus adueniente principio, sed vnico caloris natiui primi ac præcipui generationis, auctoris & nutritionis, instrumenti ad iuta præsidio, id agere certum sit, eam in seminis essentia sitam non incongruum erit asserere.



TOVE quemadmodum tria sunt principia, quæ totam huiusce operis curam sustinent, substantiis, facultatibus, functionibus & sedibus differentia, sic tempore, natura & usu dissidere necesse est. Iecur enim in quo naturalis facultas sita est & per venas in totum corpus distribuitur, primū in formatione locum sibi vindicat: Cor autem ex quo vitalem facultatem in corpus vniuersum distribuunt arteriæ, secundum: Cerebrum denique præstantia ac dignitate primum, ut in cuius substantia principes animæ facultates & functiones sedem habent, & ex cuius ventriculis spiritus multi, sed plures ac perfectiores ex posteriore, in partes omnes sensu & motu præditas demittuntur, vltimū obtinet locum: nec propterea desinunt tanto connexu & necessitatis vinculo inter se copulari, ut dū intercidit vnū, cætera sensim aut subito pereant.



ARTIBVS his inest ut & singulis & toti ea innata temperies, ex qua functionum omnium integritas & facultatum illas producentium robur atque essentia dependet, inde eius vi ac beneficio illæ iucundum atq; amicum attrahunt, superuacuum autem & noxium a se deponunt: quæ quidem temperies in insignem alterationem delapsa aut deducta, languidas, deprauatas aut nullas omnino produci permittit actiones. Quare si parum iustam ac legitimam, facultati tamen & functionibus satis vtilem obtinuerint, hæc omnia temperiem cuius emendationem non reculant aliquam, nihilominus inimicam & sui destructricem abhorrent immutationem.

*Ergo temperies naturalis immutari non potest.*

Asserebat GABRIEL BIARD Cœnomanensis anno salutis 1607.

DOMINI DOCTORES DISPVATVRI.

M. Guillelmus Lescaillon.

M. Petrus Collier.

M. Franciscus Ellain.

M. Robertus le Secq.

M. Simon le Tellier, M. R.

M. Richardus Marceus.

M. Claudius Boyuin.

M. Philippus Harduyn de S. Jacques.

M. Claudius Fauvellet.





